

**Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH**



**Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ**



Bulevar mira b.b., zgrada Delta 2, telefon 049 218-220, faks 049 218-438
Булевар мира б.б., зграда Делта 2, телефон 049 218-220, факс 049 218-438
www.revizori-bdbih.ba

Broj:01-02-03-13-219/13
R: 04-05; 013-05/13

**IZVJEŠTAJ
O REVIZIJI FINANSIJSKOG POSLOVANJA
Policije Brčko distrikta BiH
za period 1. 1. - 31. 12. 2012. godine**

Brčko, juni 2013. godine

SADRŽAJ

| | |
|---|-----------|
| NEOVISNO REVIZORSKO MIŠLJENJE..... | 3 |
| REZIME DATIH PREPORUKA..... | 5 |
| NALAZI I PREPORUKE IZVJEŠTAJA O OBAVLJENOJ REVIZIJI FINANSIJSKOG POSLOVANJA POLICIJE BRČKO DISTRIKTA BIH ZA 2012. GODINU | 6 |
| 1. UVOD | 6 |
| 2. OPĆI DIO..... | 6 |
| 3. PREDMET, CILJ I OBIM REVIZIJE..... | 7 |
| 4. OSVRT NA NALAZE I IMPLEMENTACIJA PREPORUKA REVIZIJE FINANSIJSKOG POSLOVANJA ZA 2011. GODINU | 7 |
| 5. NALAZI I PREPORUKE | 7 |
| 5.1 RUKOVODSTVO I SISTEM INTERNIH KONTROLA | 7 |
| 5.2. PLANIRANJE I IZVRŠENJE TEKUĆEG BUDŽETA..... | 8 |
| 5.3. PLANIRANJE I IZVRŠENJE KAPITALNOG BUDŽETA | 9 |
| 6. KOMENTAR | 10 |
| PRILOZI IZVJEŠTAJA O REVIZIJI | 11 |

Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH



Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ



Bulevar mira b.b., zgrada Delta 2, telefon 049 218-220, faks 049 218-438
Булевар мира б.б., зграда Делта 2, телефон 049 218-220, факс 049 218-438
www.revizori-bdbih.ba

POLICIJA BRČKO DISTRIKTA BiH

Šefu Policije Goranu Lujiću

NEOVISNO REVIZORSKO MIŠLJENJE

Predmet revizije

Izvršili smo reviziju finansijskog poslovanja Policije Brčko distrikta BiH (u daljnjem tekstu: Policija) za period **1. 1. - 31. 12. 2012.** godine, te reviziju usklađenosti poslovanja s važećim zakonskim i drugim relevantnim propisima.

Odgovornost rukovodstva

Šef Policije je odgovoran za finansijsko poslovanje Policije i usklađenost poslovanja s važećim zakonskim i drugim relevantnim propisima. Ova odgovornost obuhvata: osmišljavanje, primjenu i održavanje internih kontrola koje su relevantne za sprečavanje nastanka materijalno značajnih grešaka u finansijskom poslovanju Policije.

Odgovornost revizora

Naša je odgovornost da izrazimo mišljenje o finansijskom poslovanju na osnovu izvršene revizije. Reviziju smo izvršili u skladu sa Zakonom o reviziji javne uprave i institucija u Brčko distriktu BiH (Službeni glasnik Brčko distrikta BiH, broj 40/08) i Međunarodnim standardima vrhovnih revizijskih institucija – ISSAI (Službeni glasnik Brčko distrikta BiH, broj 11/11). Ovi standardi nalažu da radimo u skladu s etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijsko poslovanje ne sadrži materijalno značajne pogreške, te da je poslovanje usklađeno s važećim zakonskim i drugim relevantnim propisima.

Revizija uključuje sprovođenje postupka u cilju pribavljanja revizorskih dokaza o usklađenosti finansijskog poslovanja. Izbor postupka je zasnovan na revizorskom prosuđivanju, uključujući procjenu rizika materijalno značajnih pogrešaka u finansijskom poslovanju. Prilikom procjene rizika, revizor razmatra interne kontrole koje su relevantne za finansijsko poslovanje, u cilju osmišljavanja revizorskih postupaka koji su odgovarajući u datim okolnostima, ali ne u cilju izražavanja odvojenog mišljenja o efektivnosti internih kontrola.

Smatramo da su pribavljeni revizorski dokazi dovoljni i odgovarajući i da obezbjeđuju osnovu za naše revizorsko mišljenje.

Pozitivno mišljenje

Po našem mišljenju, u finansijskom poslovanju Policije u toku 2012. godine, nije bilo značajnih neusaglašenosti s važećom zakonskom regulativom i odobrenim pozicijama budžeta.

Nekvalifikujući naše mišljenje skrećemo pažnju da izvršenje tekućeg budžeta Policije, na pojedinim pozicijama, nije bilo u skladu s predloženim kvartalnim operativnim planovima rashoda, što je detaljno obrazloženo u tački 5.2. Nacrta izvještaja.

Zamjenici glavne revizorke
Tomo Vozetić, dipl. oec.

Božo Zimonjić, dipl. oec.

Glavna revizorka
Dževida Hodžić, dipl. oec.

REZIME DATIH PREPORUKA

- *Potrebno je pojačati internu kontrolu u dijelu dosljednog poštovanja rokova propisanih Uputsvom o radu popisnih komisija i obavljanju popisa, sredstava, potraživanja i obaveza.*
- *Potrebno je, u Pravilniku o dodjeli nagrada i priznanja državnim službenicima i namještenicima Policije Brčko distrikta BiH, doraditi odredbe o kriterijima o dodjeli nagrada u dijelu definisanja jasnih uslova za njihovu dodjelu, kako bi se obezbijedilo više objektivnosti pri dodjeli istih.*
- *Potrebno je da Policija dinamiku realizacije odobrenog tekućeg budžeta uskladi s predloženim kvartalnim operativnim planovima rashoda.*
- *Potrebno je tromjesečne finansijske izvještaje, podnositi Direkciji za finansije, u rokovima propisanim Zakonom o izvršenju budžeta Brčko distrikta BiH za 2012. godinu.*

NALAZI I PREPORUKE IZVJEŠTAJA O OBAVLJENOJ REVIZIJI FINANSIJSKOG POSLOVANJA POLICIJE BRČKO DISTRIKTA BiH ZA 2012. GODINU

1. UVOD

Obavili smo reviziju finansijskog poslovanja Policije za **2012.** godinu na osnovu ovlaštenja u skladu sa Zakonom o reviziji javne uprave i institucija u Brčko distriktu BiH (Službeni glasnik Brčko distrikta BiH, broj 40/08). Ured za reviziju javne uprave i institucija u Brčko distriktu BiH ima prethodno iskustvo s klijentom.

2. OPĆI DIO

Policija, u skladu sa Statutom Brčko distrikta BiH, Zakonom o policiji i drugim zakonskim i podzakonskim aktima, obavlja poslove iz svoje nadležnosti:

- Zaštita života i imovine;
- Zaštita ljudskih prava i sloboda građana zagarantovanih Ustavom BiH i Statutom Brčko distrikta BiH;
- Sprečavanje, otkrivanje i istraživanje krivičnih djela i prekršaja koji nisu u isključivoj nadležnosti drugih policijskih organa BiH,
- poslovi i zadaci koji se odnose na održavanje javnog reda i mira,
- osiguranje određenih ličnosti i objekata u Distriktu,
- poslovi i zadaci koji se odnose na održavanje javnih skupova,
- poslovi sigurnosti saobraćaja na putevima Distrikta i drugi poslovi u oblasti sigurnosti saobraćaja utvrđeni zakonom,
- poslovi kontrole nabavke, držanja i nošenja oružja i municije i vođenja propisanih evidencija,
- drugi poslovi i zadaci koje Policiji povjeri tužilac Distrikta i druga tužilaštva u BiH,
- poslovi koji se odnose na oblast proizvodnje, prometa i skladištenja eksplozivnih materija, koji su u nadležnosti Distrikta,
- poslovi koji se odnose na rad agencija za zaštitu ljudi i imovine,
- provođenje propisa o oružju i municiji,
- inspeksijski nadzor u oblastima iz svoje nadležnosti,
- upravni i drugi stručni poslovi utvrđeni zakonom ili drugim propisima,
- drugi poslovi i zadaci stavljeni u njenu nadležnost u skladu sa zakonom.

Planirani zadaci Policije izvršavani su kroz operativne, stručne, administrativne, pravne i druge aktivnosti, a kojima se obezbjeđuje: zaštita života i lična sigurnost građana, provođenje Ustava i zakona BiH, Statuta Brčko distrikta BiH kao i drugih zakona Brčko distrikta BiH, u cilju ostvarivanja zakonitog, blagovremenog i ekonomičnog izvršenja svih poslova iz nadležnosti Policije, postizanje potpunog korištenja svih resursa koji stoje na raspolaganju, potpune odgovornosti zaposlenika i maksimalno korištenje njihovih znanja i kvalifikacija, kao i unapređenja saradnje s drugim policijskim agencijama i organima Brčko distrikta i Bosne i Hercegovine.

Poslovi Policije obavljaju se u okviru sljedećih organizacionih jedinica:

- Kabinet šefa Policije;
- Jedinica opće Policije;
- Jedinica saobraćajne Policije;
- Jedinica kriminalističke Policije;
- Jedinica za istraživanje ratnih zločina;
- Jedinica za podršku;
- Operativno-komunikacijski centar;

- Jedinica za profesionalne standarde;
- Jedinica za administrativnu podršku i logistiku.

3. PREDMET, CILJ I OBIM REVIZIJE

Predmet revizije je finansijsko poslovanje u **2012.** godini, u dijelu planiranja i izvršenja budžeta, ocjena sistema internih kontrola, kao i usklađenost poslovanja sa zakonskim i drugim relevantnim propisima.

Cilj revizije finansijskog poslovanja Policije je da omogući revizoru da na osnovu prikupljenih dokaza izrazi mišljenje o tome da li je finansijsko poslovanje, obavljeno u skladu s cjelokupnom zakonskom važećom regulativom Brčko distrikta BiH, kao i planiranim pozicijama budžeta. Pored toga revizija je planirana i izvršena s ciljem pribavljanja realne osnove za ocjenu da li su preduzete sve mjere za namjensko trošenje budžetskih sredstava za svrhe za koje je dato ovlaštenje donošenjem budžeta, te davanja preporuka za daljnji rad s posebnim naglaskom na što efikasniju zaštitu javne imovine i ekonomično trošenje javnih sredstava putem jačanja internih kontrola.

Revizija informiše javnost, nadležne organe i institucije o nalazima i preporukama, pravovremenim i javnim objavljivanjem revizorskog izvještaja.

Obim revizije je utvrđen internim planskim dokumentima revizije.

S obzirom da se revizija obavlja provjerama na bazi uzoraka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

4. OSVRT NA NALAZE I IMPLEMENTACIJA PREPORUKA REVIZIJE FINANSIJSKOG POSLOVANJA ZA 2011. GODINU

Na osnovu preporuka iz Izvještaja o obavljenoj reviziji finansijskog poslovanja za period 1. 1. -31. 12. 2011. godine, Policija je usvojila Akcioni plan za rješavanje primjedbi po navedenom izvještaju broj: 14.5/1-13-7273/12-1 od 18. 6. 2012. godine.

Policija je realizovala preporuke iz Izvještaja o obavljenoj reviziji finansijskog poslovanja za period 1. 1. - 31. 12. 2011. godine.

5. NALAZI I PREPORUKE

5.1 Rukovodstvo i sistem internih kontrola

Revizija obuhvata ocjenu sistema internih kontrola, s naglaskom na funkcionisanje internih kontrola kroz realizaciju programa rada, planiranja i izvršenja budžeta, te usklađenost poslovanja sa zakonskim i podzakonskim aktima.

Izvršili smo procjenu uspostavljanja, funkcionisanja i nadzora sistema internih kontrola na osnovu provedene revizije značajnih procesa poslovanja.

Zbog nedostatka internih kontrola dinamika realizacije odobrenog tekućeg budžeta nije bila u skladu s predloženim kvartalnim operativnim planovima rashoda i obrazloženje za tromjesečni finansijski izvještaj za prvi kvartal 2012. godine Policija je dostavila nakon roka propisanog Zakonom o izvršenju budžeta Brčko distrikta BiH za 2012. godinu.

Nedostatak interne kontrole uočen je i kod nepoštovanja rokova za predaju popisa sredstava, potraživanja i obaveza, što je suprotno roku propisanom članom 7 Uputstva o radu popisnih komisija i obavljanju popisa, sredstava, potraživanja i obaveza. Navedenim Uputstvom propisani rok za predaju popisa je najkasnije do 15. 1. naredne godine, a Policija je iste predala Centralnoj popisnoj komisiji 24. i 25. januara 2013. godine.

Potrebno je pojačati internu kontrolu u dijelu dosljednog poštovanja rokova propisanih Uputstvom o radu popisnih komisija i obavljanju popisa, sredstava, potraživanja i obaveza.

Osim navedenog, Pravilnikom o dodjeli nagrada i priznanja državnim službenicima i namještenicima Policije Brčko distrikta BiH (u daljnjem tekstu: Pravilnik), propisani su kriteriji za dodjelu novčanih nagrada državnim službenicima i namještenicima. Uočili smo da su kriteriji propisani za dodjelu nagrada i priznanja državnim službenicima i namještenicima, uopćeni i ne sadrže konkretne i jasne kvantitativne i kvalitativne rezultate koje službenik i namještenik, treba ostvariti da bi imao pravo na dodjelu novčane nagrade. Zbog navedenog nedostatka u Pravilniku, ne možemo se uvjeriti da su nagrade dodjeljivane prema objektivnim i mjerljivim kriterijima.

Potrebno je, u Pravilniku o dodjeli nagrada i priznanja državnim službenicima i namještenicima Policije Brčko distrikta BiH, doraditi odredbe o kriterijima o dodjeli nagrada u dijelu definisanja jasnih uslova za njihovu dodjelu, kako bi se obezbijedilo više objektivnosti pri dodjeli istih.

5.2. Planiranje i izvršenje tekućeg budžeta

Tekući budžet Policije za 2012. godinu planiran je u iznosu od **10.757.378,54 KM**, a izvršenje iznosi **9.840.546,15 KM**, što predstavlja **91,48 %** od plana (Tabela 1).

Realizacija odobrenog tekućeg budžeta, za pojedine vrste rashoda, nije se odvijala po planu, i to: doprinos na teret poslodavca 84,25 %, nabavku materijala i sitnog inventara 53,02 %, izdaci za iznajmljivanje imovine i opreme 83,47 %, ugovorene usluge 67,36 % i grantovi pojedincima 49,06%, što je prikazano u tabeli broj 1 koja se nalazi u prilogu ovog izvještaja.

Nizak procent izvršenja odobrenog budžeta za navedene izdatke, ukazuje da izvršenje budžeta nije bilo u skladu s predloženim kvartalnim operativnim planovima rashoda.

Potrebno je da Policija dinamiku realizacije odobrenog tekućeg budžeta uskladi s predloženim kvartalnim operativnim planovima rashoda.

Revizijom smo uočili da je Policija obrazloženje za tromjesečni finansijski izvještaj za period 1. 1. - 31. 3. 2012. godine dostavila Direkciji za finansije 21. 5. 2012. godine. Odredbama člana 28 tačke 2 Zakona o izvršenju budžeta Brčko distrikta BiH za 2012. godinu propisano je da se obrazloženja za tromjesečne finansijske izvještaje podnose Direkciji za finansije najkasnije u roku od 30 dana od isteka svakog tromjesečja.

Navedeno nas upućuje na zaključak da je Policija postupila dosljedno odredbama Zakonom o izvršenju budžeta Brčko distrikta BiH za 2012. godinu.

Potrebno je tromjesečne finansijske izvještaje, podnositi Direkciji za finansije, u rokovima propisanim Zakonom o izvršenju budžeta Brčko distrikta BiH za 2012. godinu.

Doprinosi na teret poslodavca planirani su u iznosu od 827.209,35 KM, a realizovani u iznosu od 696.913,42 KM, odnosno 84,25% od planiranog.

Do odstupanja planiranih i realizovanih sredstava za doprinose poslodavca i ostale doprinose došlo je zbog primjene prosječne stope obračuna doprinosa na teret poslodavca, kao i specifičnog obračuna plata policijskih službenika (beneficiran radni staž, napredovanje pri sticanju činova, unapređenja, noćni rad, prekovremeni rad i dr.).

Sredstva za nabavku materijala i sitnog inventara planirana su u iznosu od 463.510,00 KM, a realizovana u iznosu od 245.775,45 KM, odnosno 53,02% od planiranog.

Procent realizacije je nizak zbog toga što je znatan dio sredstava, za nabavku uniformi odobren usvajanjem amandmana na budžet za 2012. godinu u julu 2012. godine. Postupak javne nabavke kasno je pokrenut. Provedeni postupak za nabavku uniformi nije okončan zaključivanjem ugovora zbog poništenja velikog broja lotova, jer prispjele ponude nisu odgovarale traženim tehničkim specifikacijama.

Sredstava za unajmljivanje imovine i opreme planirana su u iznosu od 20.093,00 KM, a realizovana u iznosu od 16.771,65 KM, odnosno 83,47% od planiranog iznosa.

Do odstupanja je došlo zbog raskida ugovora o zakupu poslovnog prostora, sa "Telekomunikacije Republike Srpske" ad Banja Luka M:tel.

Sredstva za ugovorene usluge planirana su iznosu od 160.887,00 KM, a realizovana u iznosu od 108.371,21 KM, odnosno 67,36% od planiranog.

Do niskog procenta realizacije je došlo zbog toga što su troškovi planirani za obuku osoblja bili znatno niži od planiranih, kao i zbog poništavanja tendera za obuku ronilaca Jedinice za podršku.

Grantovi pojedincima planirani su u iznosu od 80.000,00 KM, a realizovani u iznosu od 39.247,80 KM, odnosno 49,06% od planiranog iznosa.

Navedena sredstva nije moguće precizno planirati jer se ista odnose na specifične izdatke propisane Pravilikom o korištenju sredstava za specijalne izdatke Policije Brčko distrikta BiH broj. 14-05-1767/07 od 24. 8. 2007. godine.

5.3. Planiranje i izvršenje kapitalnog budžeta

Kapitalni budžet 2010.-2012. godine iznosi 1.826.183,00 KM a realizovan je u iznosu od 1.313.107,59 KM ili 71,90% plana. Ovakav procent realizacije upućuje na zaključak da Policija realno planira i pravovremeno realizuje kapitalni budžet.

Planom budžeta za 2012. godinu Policiji je odobren kapitalni budžet u iznosu od 400.000,00 KM, a izvršenje na dan 31. 12. 2012. godine iznosi 49.512,17 KM, što predstavlja 12,38 % od planiranog (tabela broj 2 u prilogu ovog izvještaja).

U 2012. planirana je realizacija 19 kapitalnih projekata. Njihova realizacija je prikazana kako slijedi:

- 5 kapitalnih projekata u ukupnom iznosu od 49.512,17 KM je realizovano,
- za 4 kapitalna projekta, u iznosu od 140.000,00 KM, čeka se isporuka,
- za 2 projekta, u ukupnom iznosu od 82.400,00 KM, izvršen je izbor najpovoljnijeg ponuđača i donesena je odluka o dodjeli ugovora,
- za 2 projekta, u ukupnom iznosu od 42.474,41 KM, izbor najpovoljnijeg dobavljača je u toku,

- a za 6 projekata, u ukupnom iznosu od 74.000,00 KM, pri kraju je izrada konačne tenderske dokumentacije.
- za 3 projekta preostalo je za realizaciju 11.613,42 KM, a postupak nabavki do završetka naše revizije nije pokrenut.

6. KOMENTAR

Policiji je uručen Nacrt izvještaja o reviziji finansijskih izvještaja na dan 31. 12. 2012. godine, broj: 01-02-03-13-188/13, na razmatranje i dostavljanje eventualnih novih dokaza i komentara na nalaze revizije.

U ostavljenom roku od 15 dana, Policija se očitovala dopisom broj: 14.05/1-13-6174/13-1 od 3. 6. 2013. godine i nije imala komentara na nalaze sadržane u Nacrtu izvještaja o reviziji. Stoga ovaj izvještaj predstavlja konačan izvještaj dostavljen klijentu, bez korekcija u odnosu na Nacrt izvještaja.

Tim za reviziju

Envera Imamović, dipl. oec.

Tatjana Pavlović-Klašnić, dipl. iur.

PRILOZI IZVJEŠTAJA O REVIZIJI

Struktura planiranih i izvršenih tekućih izdataka za 2012. godinu, po pozicijama Policije Distrikta prikazana je u sljedećoj tabeli:

Tabela broj 1

| Ekonom. kod | Naziv ekonomskog koda | Planirani tekući budžet za 2012. god. | Virmanizacije i amandman od 25.07.2012. | Konačan plan do 31.12.2012. god. | Izvršenje tekućeg budžeta sa 31.12.2012. god. | Procent izvršenja % |
|---------------|---|---------------------------------------|---|----------------------------------|---|---------------------|
| 1 | 2 | | 4 | 5 | 6 | |
| 611100 | Bruto plate | 8.165.158,59 | 15.735,60 | 8.180.894,19 | 7.766.089,20 | 94,93 |
| 611200 | Naknade troškova zaposlenih | 105.699,00 | - | 105.699,00 | 99.132,77 | 93,79 |
| 611000 | PLATE I NAKNADE TROŠKOVA ZAPOSLENIH | 8.270.857,59 | 15.735,60 | 8.286.593,19 | 7.865.221,97 | 94,92 |
| 612100 | Doprinos na teret poslodavca | 825.635,79 | 1.573,56 | 827.209,35 | 696.913,42 | 84,25 |
| 613100 | Putni troškovi | 66.634,00 | 10.000,00 | 76.634,00 | 76.571,29 | 99,92 |
| 613200 | Izdaci za energiju | 106.946,00 | -9.000,00 | 97.946,00 | 94.052,59 | 96,02 |
| 613300 | Izdaci za komun. usluge | 94.992,00 | 29.800,00 | 124.792,00 | 116.487,51 | 93,35 |
| 613400 | Nabavka materijala | 339.710,00 | 123.800,00 | 463.510,00 | 245.775,45 | 53,02 |
| 613500 | Izdaci za usl. prev. i goriva | 156.888,00 | 123.582,00 | 280.470,00 | 266.487,83 | 95,01 |
| 613600 | Iznajmljivanje imov. i opre. | 20.093,00 | 0,00 | 20.093,00 | 16.771,65 | 83,47 |
| 613700 | Izdaci za tekuće održavanje | 166.197,00 | 125.047,00 | 291.244,00 | 266.878,16 | 91,63 |
| 613800 | Izdaci osigur., bank. usluge i usl. platnog prometa | 50.000,00 | -2.000,00 | 48.000,00 | 47.767,27 | 99,52 |
| 613900 | Ugovorene usluge | 170.887,00 | -10.000,00 | 160.887,00 | 108.371,21 | 67,36 |
| 613000 | Izdaci za materijal i usluge | 1.172.347,00 | 391.229,00 | 1.563.576,00 | 1.239.162,96 | 79,25 |
| 614200 | Grantovi pojedincima | 30.000,00 | 50.000,00 | 80.000,00 | 39.247,80 | 49,06 |
| | Ukupan tekući budžet | 10.298.840,38 | 458.538,16 | 10.757.378,54 | 9.840.546,15 | 91,48 |

Budžet kapitalnih potreba

Tabela br. 2

| God. | Raspoloživa sredstva kap. budžeta na dan 1.1.2012. iz 2010. i 2011. godine | Planirani kapitalni budžet | Izvršenje kapitalnog budžeta do 1.1.2012. | Izvršenje kapitalnog budžeta u 2012. god. | Izvršeno na dan 31.12.2012. godine (4+5) | Neurošena planirana sredstava na dan 31.12.2012. (3-4-5) | % izvršenja na dan 31.12.2012. (6/ 3 x 100) | % izvršenja po godinama na dan 31.12. tekuće god. Izv.tek/pl. tek. |
|-------|--|----------------------------|---|--|--|--|---|---|
| 1 | 2 | 3 | 4 | 5 | 6 | 7 | 8 | 9 |
| 2010. | 412.677,95 | 665.000,00 | 252.322,05 | 385.633,98 | 637.956,03 | 27.043,97 | 95,93 | 57,99 |
| 2011. | 241.407,46 | 761.183,00 | 519.775,54 | 105.863,85 | 625.639,39 | 135.543,61 | 82,19 | 13,91 |
| 2012. | 0,00 | 400.000,00 | 0 | 49.512,17 | 49.512,17 | 350.487,83 | 12,38 | 12,38 |
| | 654.085,41 | 1.826.183,00 | 772.097,59 | 541.010,00 | 1.313.107,59 | 513.075,41 | 71,90 | 29,63 |